



Universitätsbibliothek Paderborn

Eusebiu Tu Pamphilu Ekklēsiastikē Istoria

Eusebius <Caesariensis>

Mogvntiae, 1672

XXVII. Quòd Constantinus Gentilium interitum considerans,
Christianismum potiùs elegit.

urn:nbn:de:hbz:466:1-14478

ΚΕΦΑΛΑΙΟΝ ΚΖ'.

A САРУТ XXVII.

*Quod Constantinus eorum qui simulacula colunt
sent interitum considerans Christianismum
potius elegit.*

Иам vero cum intelligeret prater militares copias praestantiore aliquo subfido sibi opus esse, ob maleficas artes magicasque præstigias quas tyranus studiose confectabatur: Deum sibi Adjutorem quæsivit; armorum quidem apparatus & militum copias secundo loco ducens; auxilium autem divini Numinis invictum & inexpugnabile esse sibi persuadens. Igitur cogitare apud se cœpit, quemnam sibi Deum adscisceret. Quod dum sollicitè inquirit, hæc illi subiit cogitatio: ex plurimis qui ante se Imperium tenuerant, eos quidem qui in Deorum multitudine spem suam collocasset, & qui victimis illos ac donariis coluisserent, primum vaticiniis ad assentationem compositis, & oraculis fausta omnia pollicentibus delulos, tandem infausto mortis genere interiisse; nec Deorum quenquam præsto illis adfuisse, qui eos invento divinitus exitio liberaret. Solum ipsius patrem, qui contrarium prioribus illis viam iniisset; & qui eorum quidem errorum condemnasset, unum vero supremum omnium Deum tota vita spatio coluisse; eundem Servatorem ac Imperii custodem, & omnium bonorum. Autem habuisse. Hæc ille cum apud se expendisset; recteque animadvertisset, illos quidem qui in Deorum multitudine fiduciam posuerint, in multitudinem quoque exitiorum esse delapsos; adeò ut nec generis illorum ac sobolis, nec stirpis ac nominis, nec memorie ullum inter homines vestigium remanserit: contrà vero Deum patris sui, multa cæque illustria potentia sua documenta ipsi præbuisse. Cumque præterea considerasset, eos qui jam antea copias adversus tyannum duxerant, cum Deorum multitudine ad pugnam profectos, turpem exitum habuisse. Alter enim re infecta cum omnibus copiis ignominiosè recesserat: alter in medio exercitu jugulatus, tanquam fortuita mortis præda extiterat. Hæc, inquam, omnia cogitatione sua complexus, Deos quidem qui nusquam essent colendo nugari, & post tot ac tanta documenta cæco adhuc errore ferri, summa dementia esse existimavit: solum vero Deum genitoris sui sibi esse colendum censuit.

Ggg iii